



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXCIV. Bischof Johann von Havelberg fördert eine Stiftung zu Bernau
durch einen Ablass, am 10. April 1519.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

munde, am tag Exaltacionis crucis, Nach Cristi geburde Funftzehnhundert vnd Im dreyzehenden Jare.

Sebastianus Stublinger, doctor, Cancellarius subscript.

Commissio propria Illustrissimi principis Electoris.

Nach dem Original im Königl. Prov.-Archiv zu Magdeburg.

CXCIV. Bischof Johann von Havelberg fördert eine Stiftung zu Bernau durch einen Ablass, am 10. April 1519.

Johannes, Dei et Apostolice sedis gratia Ecclesie Havelbergensis Episcopus, Vniuersis et singulis Cristi fidelibus vbilibet constitutis presentes nostras litteras Inspecturis et audituris salutem in Domino sempiternam. Quia, ut nobis extitit Expositum, concives et Incole opidi Bernow, Brandenburgensis Dioceseos, cum clero inibi commorante ad laudem viuifici Corporis Domini nostri Jhesu Christi quandam processionem pro affectu ducti singulis quintis feriis per quemlibet annum in Ecclesia Parrochiali ibidem seu cimiterio ejusdem Ecclesie Parrochialis cum eodem Clero fiendam instituere intendant et forsitan jam instituerint, Nobisque quatenus eandem Processionem Spiritualibus donis, vt populus per hoc incitatus ad ipsam diligentius feruentiusque currat Deoque omnipotenti vota sua reddat, nostra Pontificali auctoritate datare dignemur deuote atque humiliter Supplicarunt; Cum itaque Sanctissimum corpus Domini nostri Jhesu Christi, qui de hoc mundo transiturus ad Patrem ad passionis ac mortis sue memoriam carnem suam in cibum et sanguinem suum in poculum exhibuerit populo Cristiano Deceat omnes et singulos Cristi fideles pro deuotione reminiscencie venerari et panem angelorum celestem, qui nos spiritualiter reficit, veluti nostre peregrinationis, qua redimus ad patriam una cum deuotis mentibus ac intimis precordiis adorare; Idcirco tanti sacramenti exaltationem in Dei Ecclesia ampliare cupientes et Cristi fideles ad iugem ipsius sacramenti venerationem animare volentes prefatorum Cleri et conciuum predicti opidi Bernow deuotis supplicationibus inclinati omnibus et singulis Cristi fidelibus, qui pro mantentione ejusdem venerande processionis manus suas porrexerunt seu porrexerint adjutrices aut processionem hujusmodi interfuerint, aut incensam candelam interessendo et procedendo seu sequendo ad honorem venerabilis Sacramenti tulerint seu gestauerint et quinquies Orationem Dominicam et totiens angelicam Salutationem cum ipsius venerabilis Sacramenti adoratione deuote dixerint, quotiens premissa vel aliquod premissorum fecerint seu quilibet eorum fecerit, de omnipotentis Dei misericordia ac beatorum Petri et Pauli Apostolorum ipsius, necnon beate Marie Virginis et Sanctorum Laurentii et Constantii Martyrum Ecclesie nostre Havelbergensis Patronorum auctoritate confisi, si et in quantum Reuerendi in Cristo Patris Domini Episcopi Brandenburgensis loci hujusmodi Diocesani consensus accesserit pariter et assensus, de injunctis eis penitentiis quadraginta indulgentiarum dies Misericorditer relaxamus, presentibus quoque perpetuis futuris temporibus duraturis. In quorum omnium et singulorum fidem testimoniumque premissorum presentes nostras litteras exinde fieri et nostri Sigilli appensione iussimus atque mandauimus communiri. Datum et actum in arce

nostra Wistogk, sub anno Domini Milleſimo quingentefimo decimo nono, die vero Solis, decima mensis Aprilis.

Aus Beckmann's Nachlasse.

CXCV. Johann Tetzl ertheilt als Commissar des Erzbischofs Albrecht einem Einsassen der Brandenburgischen Diöcese wegen Todschlages die Absolution, am 5. October 1517.

Frater Johannes Tetzl, ordinis Predicatorum Conventus Lipsiensis, sacrae Theologiae Baccalaureus ac Hareticae pravitatis Inquisitor, a Reverendissimo in Christo Patre ac Domino, Domino Alberto, Sanctarum Magdeburgensium et Moguntinensium Ecclesiarum Archiepiscopo, Primate et sacri Romani Imperii in Germania Archicancellario, Principe Electore et Administratore Halberstadenſi, Marchione Brandenburgensi, Stettinenſi, Pommeranie, Cassubiorum Slavorumque Duce, Burggravio Norembergensi ac Rugie Principe, Sanctissimi in Christo Patris ac Domini nostri, Domini Leonis, divina Providentia Pape decimi ac ejusdem Sancte Sedis Apostolice ad Magdeburgenses ac Moguntinenses Provincias ac illarum et Halberstadenſes Civitates et Dioceſes, necnon terras et loca Magdeburgensium et Moguntinensium Archiepiscoporum et Episcopi Halberstadenſis Illuſtrissimeque et Illuſtrium Principum Dominorum Marchionum Brandenburgensium temporali dominio mediate vel immediate, directe vel indirecte Subjecta, pro executione Sacratissimarum Indulgentiarum pro fabrica Basilice Principis Apostolorum de urbe in forma Jubilei concessarum, Nuncio et Commissario, una cum Guardiano Fratrum minorum S. Francisci de obseruantia in Sua Civitate Moguntina, in hac parte collega Suo, Sub-Commissarius Generalis cum potestate substituendi ad prefatas Provincias et Dioceſes ac omnia illuſtrissimorum et Illuſtrium Dominorum Marchionum Dominia predicta deputatus et constitutus, Dilecto nobis in Christo N. N. de N. Brandenburgensi Dioecesis salutem in Domino sempiternam. Expofuisti nobis, quod volebas suam percutere, in quo casu puer tuus, te non vidente appropinquavit, quem contra omnem Voluntatem Tuam, cum infinita Cordis Tui tristitia tetigisti et occidisti. De quo peccato ex intimis doles. Unde volens saluti Anime Tue consulere, a nobis de opportuno Absolutionis remedio Tibi provideri humiliter postulari fecisti. Quocirca Nos, qui salutem quorumlibet querimus, Te, qui Nobiscum secundum vires Tuas in commodum prefate Fabricae compositionem fecisti, Autoritate Apostolica, qua fungimur in hac parte, ab homicidio misericorditer absolvimus Teque eadem Auctoritate per Nos a dicto homicidio absolutum esse per presentes denunciamus literas. Mandamus etiam omnibus et singulis, ad quos pervenerint, sub sententiis, censuris et poenis in literis facultatum nostrarum Apostolicarum contentis, ut fidem hisce tribuant, Te plenissime absolutum esse statuam, hujusque cedis ne unquam quisquam accuset. Ad fidem et Testimonium Sigillum prefate Fabricae, quo ad hujusmodi utimur, impressimus. Datum Berlin, Anno domini 1517, 5. Octobris, Anno quinto Imperii Sanctissimi Domini nostri Pape etc.

Nach einer Abschrift in Beckmann's Sammlung.